

**ՀԱՆՐԱՊԵՏՈՒԹՅԱՆ ԿՈՒՍԱԿՑԱԿԱՆ ԿԱԶՄԱՆԵՐՊՈՒԹՅՈՒՆՆԵՐԻ
ԳՈՐԾՈՒՆԵՈՒԹՅՈՒՆԸ ԳՅՈՒՂԱՏՆՏԵՍԱԿԱՆ ԱՐՏԱԴՐՈՒԹՅԱՆ ՄԵԶ
ԿՈՒՆԵՏԻՎ ԿԱՊԱԼԻ ԱՐՄԱՏԱՎՈՐՄԱՆ ԵՎ ԱՄՐԱՊԵՏԱՆ
ՈՒՂՂՈՒԹՅԱՄԲ**

ԱՇՈՏ ԵՆԳՈՅԱՆ

Կուսակցության XXVII համագումարը մեր երկիրը կողմնորոշեց դեպի տնտեսական նոր մեխանիզմի կառուցման ուղին, որի հիմքում ընկած է ձեռնարկությունների, տնտեսությունների և միավորումների իրավունքների ընդլայնումը: Սակայն, ինչպես նշվեց համագումարում, այդպիսի համակարգից պատշաճ հատույց կստացվի միայն այն դեպքում, եթե նրա սկզբունքները «թափանցեն արտադրության բոլոր օղակները՝ ընդհուպ մինչև բրդադրոշմը և աշխատատեղը»¹: Այդ խնդրի լուծման գործում համագումարը մեծ նշանակություն տվեց աշխատանքի կազմակերպման կապալային ձևի արմատավորմանը²:

Կոլեկտիվ կապալի տնտեսական իմաստն այն է, որ աշխատավորական կոլեկտիվը պարտավորվում է կատարել գյուղատնտեսական կուլտուրաների մշակության, անասունների խնամքի, շինարարական, վերանորոգման և այլ կոմպլեքս աշխատանքներ՝ տնտեսության (ձեռնարկության) հետ կնքված փոխադարձ համաձայնության հիման վրա, որը ձևակերպվում է՝ դրանց միջև որոշակի ժամկետով պայմանագրի կնքմամբ: Այդ առաջադրանքը կազմավորում է հաշվի առնելով գյուղատնտեսական մթերքների արտադրության նախորդ հինգ տարիներին ձեռք բերած մակարդակը և սահմանում է աշխատավարձի ֆոնդը, ամսական կանխավճարը, համախառն արտադրանքի ծավալը, արտադրանքի պլանային ինքնարժեքը և բոլոր տեսակի ծախսումների համար համապատասխան լիմիտը: Տնտեսությունը (ձեռնարկությունը) իր հերթին պարտավորվում է կապալային կոլեկտիվին ժամանակին տրամադրել անհրաժեշտ միջոցներ և պայմաններ ստեղծել նրա աշխատանքային գործունեության համար, ինչպես նաև նախօրոք ընդունա՞ծ պայմանների և գրեթե հատման համաձայն վճարել: Կապալային ստորաբաժանումներն աշխատում են ժամանակավարձային ավանսավորմամբ, ակորդայաբաժանության վարձատրության համակարգով, որը, ի տարբերություն աշխատանքի վարձատրության գործարքային եղանակի, սերտ կապվում է վերջնական արդյունքի հետ: Այս դեպքում աշխատողները վարձատրվում են ոչ թե գյուղատնտեսական առանձին աշխատանքների, այլ փոխադարձաբար կապված աշխատանքների ամբողջության համար: Տարվա ընթացքում կուլտնտեսականների և սովխոզների բանվորները կատարված աշխատանքի համար կանխավճարի կարգով, տարիֆային դրույքի 100%-ի չափով, ստանում են աշխատավարձ: Մնացած աշխատավարձը տրվում է տարեկան արդյունքների ամփոփումից հետո: Արտադրական ստորաբաժանումների անդամների միջև կոլեկտիվ աշխատավարձը բաշխվում է ընդհանուր արդյունքի մեջ նրանցից յուրաքանչյուրի ներդրածի հաշվով: Պարգև վճարվում է պլանից դուրս տրված արտադրանքի արժեքի 20—30%-ի չափով: Կոլեկտիվ կապալի սկզբունքով աշխատանքի կազմակերպման եղանակը նպաստում է տնտեսական խնդիրների լուծման գործում սկզբնական կոլեկտիվների պատասխանատվության և ինքնուրույնության բարձրացմանը, դրանցում ինքնակառավարման:

¹ «Սոցիալական Հայաստան», 4. III. 1986:

² Նույն տեղում:

զարգացմանը, խթանում է կոլեկտիվի անգամները շահագործվածությունն աշխատանքի արտադրողականության բարձրացման գործում, ակտիվացնում է, այսպես կոչված, մարդկային գործունեւ և յուրաքանչյուրն իր տեղում աշխատում է բարեխղճորեն:

Բելգորոգում կայացած Վամամիութենական խորհրդակցությունում (1983 թ., մարտ), որը նվիրված էր կոլեկտիվ կապալի արմատավորման հարցերին, Մ. Ս. Գորբաչովը նշեց, որ կոլեկտիվ կապալով աշխատող ստորաբաժանումները «գտնվելով միանման պայմաններում, մեկ միավոր հողատարածությունից սխտեմատիկաբար ստանում են 20—30%-ով ավելի շատ արտադրանք: Այդպիսի կոլեկտիվներում զգալիորեն բարձր է աշխատանքի արտադրողականությունը, ցածր է արտադրանքի ինքնարժեքը և, հետևաբար, շատ ավելի լավ է ներդրումների փոխհատուցումը»³: Այդպիսի եզրակացության է հանգեցրել երկրի տարբեր մարզերում, երկրամասերում ու շրջաններում կուտակված փորձը:

Նկատի ունենալով երկրում կուտակված դրական փորձը, ՍՄԿԿ Կենտկոմի քաղբյուրոն 1983 թ. մարտին որոշում ընդունեց երկրի կուտնտեսություններում և սովխոզներում կոլեկտիվ կապալը լայնորեն ներդնելու վերաբերյալ:

Հետաքրքիր փորձեր, գյուղում աշխատանքի կազմակերպման և վճարման հեռանկարային եղանակների որոնումներ են կատարվել նաև մեր հանրապետությունում: Կոլեկտիվ կապալը դեռևս 1973 թ. արմատավորվել է Սիսիանի շրջանի Բոնակոթ գյուղի կուտնտեսությունում: Այստեղ արդեն 1974 թ. երեք կապալային օղակների ամբողջությամբ վստահվեց բուսաբուծությունը: Դրա շնորհիվ տաս տարվա ընթացքում կուտնտեսությունում բուսաբուծությունից ստացված զուտ եկամուտը 6 հազարից հասավ 231 հազար ուրբում: 1983 թ. աշխատանքի ժամանակավարձային ավանսավորմամբ ակորդապարգևատրային վարձատրությամբ աշխատել են Վարդենիսի շրջանի ավելի քան 900 ծխախոտագործներ: Հաջողությամբ են աշխատել նաև Հրազդանի շրջանի հանրային ֆերմաների տնտաշվարկային կոլեկտիվները: Կոլեկտիվ կապալի արգյունավետությունը ապացուցվել է նաև Արագածի շրջանի Միլբարի ու Գեղարոտի սովխոզներում⁴ և այլ շրջանների տնտեսություններում: Մեր երկրում աշխատանքի կազմակերպման և խթանման առաջավոր ձևի արմատավորման փորձը ցույց է տվել, որ կոլեկտիվ կապալն ակտիվորեն տարածվում և արգյունավետ գործում է հատկապես այն ժամանակ, երբ կուսակցության շրջկոմների, սկզբնական կազմակերպությունների կողմից լուրջ օժանդակություն է ստանում: Վերջին երկու տարիներին հանրապետության կուսկազմակերպությունները որոշակի աշխատանք են կատարել կոլեկտիվ կապալի արմատավորման ուղղությամբ: Կոլեկտիվ (բրիգադային, օղակային, ընտանեկան) կապալը հաջողությամբ արմատավորվում է էջմիածնի, Ախուրյանի, Հրազդանի, Իջևանի, Վարդենիսի, Սիսիանի, Արավյանի, Նաիրիի, Աշտարակի և մի շարք այլ շրջաններում: Այս շրջանների կուսկազմակերպություններն աշխատանքի կազմակերպման առաջավոր ձևի արմատավորման զգալի փորձ են կուտակել: Դա վառ երևում է էջմիածնի շրջանի կուսկազմակերպությունների գործունեությունից: Շրջանում կոլեկտիվ կապալի լայն արմատավորմանը նախորդել է քաղաքական և բացատրական մեծ աշխատանք: Այդ ուղղությամբ զգալի դեր է խաղացել կուսակցության շրջկոմի և շրջսովետի գործկոմի օրգան «Կոմունիզմի ուղիով»⁵ թերթը, որը ընթերցողներին ծանոթացրել է երկրում կոլեկտիվ կապալի ար-

³ «Коллективный подряд на селе», М., 1983, с. 13.

⁴ «Սովետական Հայաստան», 11. III. 1983:

⁵ «Партийная работа на селе», М., 1984, с. 65.

⁶ «Коммунист», 7. IV. 1983.

⁷ «Կուսակցական խոսք», 1985, № 20, էջ 6:

մատավորման փորձին, նրա հիմնական սկզբունքներին Կուսակցության շրջկոմի և սկզբնական կուսակազմակերպությունների հանձնարարությամբ գյուղական աշխատավորության մեջ կազմակերպական և բացատրական մեծ աշխատանք են տարել ագիտատորներն ու պրոպագանդիստները: Շրջանում գյուղատնտեսական արտադրության մեջ կոլեկտիվ կապալի լայն արմատավորման վերաբերյալ որոշումն ընդունվել է Կուսակցության էջմիածնի շրջկոմի բյուրոյի 1983 թ. մայիսին տեղի ունեցած նիստում: Այդ որոշմամբ կոլեկտիվ կապալի արմատավորման բազային տնտեսություն սահմանվեց Ոսկեհատի ուսումնափորձնական սովխոզը⁸, Այստեղ աշխատանքի կազմակերպման և խթանման նոր ձևին առաջինն անցավ այգեգործական շորրորդ բրիգադը: Այգ նույն տարում այն ստացավ տնտեսության միջին տնտեսական ցուցանիշներից 80 ցենտներով ավելի խաղող: Մեկ ցենտներ խաղողի ինքնարժեքն այստեղ կազմեց 35ո., իսկ մնացած բրիգադներում՝ 47: Դրա շնորհիվ շորրորդ բրիգադի անդամների աշխատավարձը մյուս բրիգադների համեմատությամբ աճեց 160 ոտբլով⁹: Կուսշրջկոմի բյուրոն, համանություն տալով կապալային բրիգադի աշխատանքի փորձին, որոշում ընդունեց այն տարածել շրջանում¹⁰, Ոսկեհատի ուսումնափորձնական սովխոզում 1984 թ. էպալի անցան ևս 4 բրիգադ, իսկ 1985 թ.՝ բոլոր 12 բրիգադները¹¹: Դա հրապարակություն տվեց զգալիորեն բարձրացնել գյուղատնտեսական ապրանքների արտադրությունը: Այսպես, 1985 թ. տնտեսությունում յուրաքանչյուր հեկտարից հավաքվեց 140—160 ցենտներ խաղող, որը 20—40 ցենտներով գերազանցում է շրջանի միջին բերքատվությունը¹²:

Կոլեկտիվ կապալի լայն արմատավորման իր գործունեությամբ էջմիածնի կուսշրջկոմը ղեկավարվում է նրանով, որ այդ խնդիրը պետք է լուծվի տնտեսությունների բոլոր ղեկավարների, մասնագետների և գյուղական աշխատավորների համատեղ ուժերով: Այդ նպատակով շրջկոմը պարբերաբար կազմակերպում է սեմինար-խորհրդակցություններ¹³: Գյուղատնտեսության արտադրության մեջ կոլեկտիվ կապալի լայն արմատավորման նպատակով էջմիածնի կուսշրջկոմը 1984 թ. մայիսին շրջանային ագրոարդյունաբերական միավորման (ՇԱԱՄ) խորհրդին կից կազմակերպեց հանձնաժողով: Այն կազմված է անասնաբուժության և բուսաբուժության բաժանմունքներից, որոնցում ընդգրկված են 5-ական մարդ: Հանձնաժողովը գլխավորում է ՇԱԱՄ-ի խորհրդի նախագահը: Բաժանմունքների նիստերը գումարվում են ամիսը երկու անգամ, իսկ հանձնաժողովինը՝ ամիսը մեկ անգամ¹⁴: ՇԱԱՄ-ը ունենալով մեծ իրավունքներ, այգ հանձնաժողովի միջոցով օգնում է հաղթահարել կապալային ստորաբաժանումների աշխատանքային գործունեության մեջ եղած խոչընդոտները: Դա առաջին հերթին վերաբերում է պլանավորման կատարելագործման հարցերին, ինչպես նաև արտադրության նյութատեխնիկական ապահովությանը: Բացի այդ, ՇԱԱՄ-ը հանձնաժողովի միջոցով հետևում է տնտեսությունների ղեկավարության և արտադրական ստորաբաժանումների միջև պայմանագրերի կնքմանը, կողմերի պարտավորությունների կատարմանը, կոլեկտիվ կապալի հիմնական սկզբունքների պահպանմանը, տնտեսություններին տալիս է անհրաժեշտ հանձնարարություններ: Հանձնաժողովի կազմակերպումից մեկ տարի անց աշխատանքի կազմակերպման անկարգագիր եղանակի անցան 42 բրիգադներ և 25 օղակներ:

⁸ էջմիածնի շրջսովխոսի գործկոմի ընթացիկ գործավարություն (այսուհետև՝ էՇԳԸԳ):

⁹ «Коммунист», 4. IX. 1985.

¹⁰ էՇԳԸԳ:

¹¹ «Коммунист», 4. IX. 1985.

¹² Նույն տեղում, 5. X. 1985:

¹³ էՇԳԸԳ:

¹⁴ Նույն տեղում:

(6 անգամ ավելի արտադրական ստորաբաժանումներ, քան նախորդ տարում)¹⁵։

Էջմիածնի շրջանի փորձը ցույց տվեց, որ կոլեկտիվ կապալի արմատավորման հանձնաժողովները հնարավորություն են տալիս տարածել աշխատանքի կազմակերպման և խթանման առաջավոր եղանակը, հաշվի առնելով շրջանի տեղական առանձնահատկությունները։ Էջմիածնի կուսշրջկոմի և սկզբնական կուսկազմակերպությունների ջանքերի շնորհիվ 1986 թ. սկզբին շրջանի գյուղատնտեսության մեջ արդեն աշխատում էին 113 կապալային բրիգադներ և օղակներ։ Այդ ցուցանիշը կազմում է շրջանի գյուղատնտեսական ստորաբաժանումների 27,8%-ը¹⁶ և հանրապետական միջին ցուցանիշից բարձր է 11,3%-ով¹⁷, 1984 թ. համեմատությամբ, կապալային ստորաբաժանումների կողմից մշակվող գյուղատնտեսական հողահանգների մակերեսը 1985 թ. աճեց մոտ 4,5 անգամ և կազմեց 2239 հա¹⁸։

Կապալային կոլեկտիվների ստեղծումն անհրաժեշտ է նախապատրաստել և ամրապնդել տնտեսական և սոցիալական միջոցառումներով։ Էջմիածնի կուսշրջկոմը, սկզբնական կուսկազմակերպությունները մեծ ուշադրություն են դարձնում այդ հարցին։ Այդպես է գործում Լենուդի գյուղի կոլտնտեսության կուսկազմակերպությունը։ Դա քննեք կոլտնտեսության № 2 կոմպլեքսային բրիգադի օրինակով։ Կապալային ստորաբաժանման համալրման ժամանակ առաջին հերթին հիմնավորվել է բրիգադի անդամների թիվը (14 մարդ), նվազագույն քանակ, որը թույլ է տալիս հաջողությամբ կատարել գյուղատնտեսական բոլոր աշխատանքները և դրանց ողջ ցիկլը։ Կոլտնտեսության կուսկազմակերպությունն ուշադրություն է դարձնում այն բանին, որպեսզի կոլեկտիվը չգործի սեզոնային, այլ՝ ողջ տարվա ընթացքում։ Այդ նպատակով բրիգադի և կոլտնտեսության միջև պայմանագիրը կնքվում է մի տարի ժամկետով։ Բրիգադի գործունեության արդյունքների գնահատումը որոշվում է աշխատանքի արտադրողականության տեմպերի աճի հաշվառումով։ Կանխավճարի և վերջնական հաշվարկի ժամանակ հաշվի է առնվում բրիգադի յուրաքանչյուր անդամի աշխատանքային ներդրումը։ Կոլեկտիվի անդամները խրախուսվում են անմիջական ծախսերի տնտեսման համար, իսկ գերաժախսի դեպքում նրանցից պահվում է գերաժախսված միջոցների արժեքը¹⁹։ Այս ամենը կոլեկտիվին ստիպում է որոնել ապրանքների արտադրության բարձրացման համար ռեզերվներ՝ նյութական պաշարների նվազագույն ծախսումով։ Այսպիսով, կոլտնտեսության կուսկազմակերպությանն ուղեկավարող լիովին հաջողվել է բրիգադում աշխատանքի վարձատրությունը կապել նրա գործունեության վերջնական արդյունքի հետ։ Դա հանգեցրել է աշխատանքի արտադրողականության բարձրացման գործում բրիգադի անդամների շահագրգռվածությանը, որը դրական է ազդել արտադրական ցուցանիշների վրա։ Այսպես, 1984 թ. յուրաքանչյուր հեկտարից բրիգադը ստացել է 62 ցենտներ ցորեն, որը շրջանում ռեկորդային է²⁰։

Տնտեսություններում և շրջաններում, որտեղ կոլեկտիվ կապալին անցումը տեղի է ունենում տարերայնորեն, տնտեսապես և սոցիալապես չհիմնավորված, ստորաբաժանումները կամ չեն ապահովում աշխատանքի բարձր արտադրողականություն, կամ քայքայվում են։ Այսպես, օրինակ, Հոկտեմբերյանի շրջանում ուշադրություն չէին դարձրել վերջնական արդյունքով աշխատանքի էությունը։ Այստեղ կարծել էին, թե գլխավորը կապալային կոլեկտիվներ կազմակերպելն է, իսկ այնուհետև գործն ինքնիրեն կընթանա։

¹⁵ Նույն տեղում։

¹⁶ Նույն տեղում։

¹⁷ Գյուղատնտեսության միխստրոկայն ընթացիկ արխիվ (այսուհետև՝ ԳՄՐԱ)։

¹⁸ ԷՇԳՐԳ։

¹⁹ Նույն տեղում։

²⁰ «Коммунист», 10. VIII. 1985.

Արդյունքը եղել էր այն, որ 1983 թ. ստեղծված 220 կապալային բրիգադներին 1985 թ. սկզբներին մնացել էր միայն մեկը²¹։ Այսպես եղավ նաև Մարտունու շրջանում։ 1983 թ. այստեղ ստեղծված 129 կապալային բրիգադներին 1985 թ. սկզբին ոչ մեկը չէր մնացել²²։

Երկրի առաջավոր տնտեսությունների փորձը ցույց է տալիս, որ արտադրական պոտենցիալից առավելագույն փոխհատուցումը ստացվում է այն դեպքում, երբ կոլեկտիվ կապալի հիմքում ընկած է տնտեսաշարժի կիրառումը։ Հակառակ դեպքում կապալի տարածման գաղափարը դառնում է ձեռնարկյուն, որովհետև այդ պայմաններում հնարավոր չէ օգտագործել վիրջնական արդյունքի նկատմամբ աշխատավորների շահագրգռվածության բարձրացման տնտեսական շատ լծակներ (ուղղակի ծախսումների, վերանորոգման միջոցների, վառելիքի և այլ նյութերի տնտեսման համար պարգևներ)։ Ընդհանրապես պետք է նկատի ունենալ, որ այն տնտեսություններում, որտեղ գոյություն չունի նյութական միջոցների հստակ հաշվառում, խոսել աշխատանքի կազմակերպման և վարձատրման կոլեկտիվ ձևերի առկայության մասին, նշանակում է վարկաբեկել կոլեկտիվ կապալ հասկացությունը։

Տնտեսաշարժի կիրառման կարևորությունը լավ են հասկացել Սիսիանի, Սևանի, Գորիսի և մի շարք այլ շրջանների կուսկազմակերպությունները։ Գործերն այլ կերպ են դասավորվել Թալինի և այլ շրջանների մի քանի տնտեսություններում։ Այսպես, օրինակ, գրանցում կապալային շատ ստորաբաժանումների համար չի կազմվել ծախսումների հաշվարկ, իսկ այնտեղ, որտեղ կազմվել է, չի կատարվել փաստացի ծախսումների հաշվարկ՝ ըստ գյուղատնտեսական կուլտուրաների²³։

Կապալային ստորաբաժանումներում տնտեսաշարժի (ներտնտեսային հաշվարկի) կիրառման արդյունավետության մասին է խոսում Իջևանի շրջանի Աշաղրի սովխոզի օրինակը։ 11-րդ հնգամյակի առաջին երեք տարում սովխոզն աշխատել է վնասով։ Կուսակցական կազմակերպության նախաձեռնությամբ այստեղ 1984 թ. արմատավորվեց կոլեկտիվ կապալ, իսկ կապալային բոլոր ստորաբաժանումներն անցան տնտեսաշարժի։ Դրա շնորհիվ այդ նույն թվականին սովխոզը ստացավ 461 հազար ու. եկամուտ, իսկ առանձին մթերքների արտադրության շահութաբերությունն աճեց 1,5—2 անգամ²⁴։

Կապալային ստորաբաժանումներում տնտեսաշարժի արմատավորումը օգնում է լիովին բացահայտելու կոլեկտիվ կապալի բոլոր առավելությունները։ Բարձրանում է աշխատանքի արտադրողականությունը, իջնում է ապրանքի ինքնարժեքը, որն ազդում է կոլեկտիվի անգամների աշխատանքի վարձատրության վրա։ Դա գյուղի աշխատավորներին գրավում է դեպի նոր ձևեր։ Արդյունքում ամրապնդվում են արդեն ստեղծվածները և ստեղծվում են կապալային նոր ստորաբաժանումներ։

Հակառակ պրոցեսին են հանգեցնում վերը նշված թերությունները, որոնք կոլեկտիվ կապալի տարածմանը կրկնակի վնաս են հասցնում։ Բանն այն է, որ առաջավոր ձևի արմատավորման պլանը շրջաններին իջեցվում է կապալային ստորաբաժանումների նախկին քանակով և շտապողականության պայմաններում անհրաժեշտ է լինում վերականգնել բացթողածը։ Դա իր հերթին տեղի է տալիս նոր բացթողումների ու սխալների։ Մյուս կողմից, այն կոլեկտիվները, որոնք պատրաստվում են անցնել կապալի, տեսնելով արդեն ստեղծվածների տխուր վիճակը, հրաժարվում են դրա արմատավորումից։

Թերությունների վերացման և կոլեկտիվ կապալի հետագա տարածման հարցերը քննարկվել են ՀԿԿ Կենտկոմի բյուրոյի և քարտուղարության 1985 թ.

²¹ Նույն տեղում, 15. VIII. 1985։

²² Նույն տեղում։

²³ «Հայաստանի ժողովրդական տնտեսություն», 1985, № 5, էջ 5։

²⁴ «Կուսակցական խոսք», 1985, № 20, էջ 7։

հունիսին կայացած նիստերում: Կենտկոմի բյուրոն և քարտուղարությունը նշեցին առկա թերությունների վերացման կոնկրետ ուղիները և առաջավոր ձևի հետագա արմատավորման գործում եղած հիմնական խնդիրները²⁵:

Կոլեկտիվ կապալի տարածման գործում նյութատեխնիկական բազայի, արտադրության կազմակերպման ու ղեկավարման հարցերի հետ միասին կուսակցական շրջկոմները և սկզբնական կուսկազմակերպությունները մեծ նշանակություն են տալիս բարոյական ու հոգեբանական գործոններին: Դրանցում առաջնակարգ դեր են կատարում կապալային ստորաբաժանումների համալրման կամավոր սկզբունքի պահպանումը, համերաշխ կոլեկտիվի ստեղծումը: Այգ ուղղությամբ Սիսիանի շրջանի Բոնակոթ գյուղի կոլտնտեսության կուսակցական կազմակերպությունը գործում է հետևյալ եղանակներով. մեխանիզատորական կադրերի անհատական ընտրություն, նրանց քաղաքացիական բարձր զգացմունքների դաստիարակություն, հասարակական կարծիքի նպատակաուղղված ձևավորում այն հարցի վերաբերյալ, թե ինչպես պետք է աշխատել հողի վրա²⁶: Այստեղ ոչ թե վերցնում ու անկարգադիր օղակներում միավորում են մարդկանց, այլ աշխատում են կոլեկտիվները համալրել համախոհներով: Կոլտնտեսության կուսկազմակերպությունը դրա հետ մեկտեղ մեծ ուշադրություն է դարձնում այնպիսի գործոնի, ինչպիսին կոլեկտիվների անդամների բնավորությունների հոգեբանական համատեղելիությունն է, աշխատանքի նկատմամբ նրանց հայացքների ընդհանրությունը: Մեծ ուշադրություն է դարձվում նաև կապալային ստորաբաժանումների անդամների հասարակական հետաքրքրություններին ու մասնաճիւղական վարպետությանը: Հանրապետության այն շրջաններում ու տրնտեսություններում, ուր այս հարցերին քիչ ուշադրություն է դարձվել, կամ անկարգադիր կոլեկտիվներ ընդհանրապես չի հաջողվել կազմակերպել, կամ էլ դրանք քայքայվել են ստեղծվելուց 1—2 տարի հետո²⁷: Այժմ, երբ մեր երկրի առջև դրված նպատակները դարձել են ավելի մասշտաբային, կուսակցությունը հատուկ նշանակություն է տալիս մարդկային գործոնին: Դրված նպատակներին հասնելու գործում անհրաժեշտ է ապահովել մասսաների շահագրգռված, պատասխանատու, գիտակցական և ակտիվ մասնակցությունը: ՍՄԿԿ ժրագրի նոր խմբագրությունը նշված է, որ «Սոցիալիստական հասարակությունը չի կարող արդյունավետ գործել, եթե մասսաների ստեղծագործական գործունեության զարգացման նոր ուղիներ չգտնի հասարակական կյանքի զարգացման բոլոր ոլորտներում»²⁸:

Կոլեկտիվ կապալն ամեն կերպ նպաստում է աշխատավորների ստեղծագործական ակտիվության բարձրացմանը: Դրան նպաստում է կապալային ստորաբաժանումներում կուսկազմակերպությունների կողմից գաղափարադաստիարակչական աշխատանքներ տանելը: Սիսիանի շրջանում այգ հարցում մեծ դեր են խաղում բրիգադների և օղակների կուսակցական խմբերը: Բացի տնտեսական խնդիրների լուծումից, դրանք ամենօրյա աշխատանք են տանում մարդկանց հետ: Կուսխմբերը հավաքվում են կարճ ժամանակով և հարցերը ժողովում վճռում գործարար կերպով: Ժողովներում կուսխմբերը քննարկում են կարգապահության ամրապնդման հարցեր, կոմունիստների հաղորդումները կանոնադրության պահանջները: և արտադրական պարտավորությունների կատարման մասին: Կուսակցական խմբերը պարբերաբար անցկացնում են բաց ժողովներ²⁹: Այժմ շրջանի համարյա բոլոր ստորաբաժանումներում ստեղծված են այդպիսի կուսակցական խմբեր:

²⁵ «Սովետական Հայաստան», 22. VI. 1983:

²⁶ «Коммунист», 26. V. 1983.

²⁷ Նույն տեղում, 7. IV. 1983:

²⁸ «Սովետական Հայաստան», 7. III. 1986:

²⁹ «Партийная работа на селе», с. 67—68.

Կազմակերպական և դաստիարակչական աշխատանքի զուգակցման հետաքրքիր փորձ է կուտակել Գորիսի շրջանի Տեղ գյուղի սովխոզի կուսակցական կազմակերպությունը: 1985 թ. գարնանը սովխոզի կուսակցական բյուրոյի և ագիտատորների բացատրական լայն աշխատանքի շնորհիվ ստեղծվեցին կապալային երեք մեքենայացված օղակներ, որոնց ամրացվեց 1250 հա հացահատիկային հողատարածություն³⁰, ջնայած առկա հաջողություններին, սովխոզի կուսբյուրոն իր աշխատանքն ավարտված չհամարեց: Մեքենայացված օղակներում ստեղծվեց ագիտխումբ, որի կորիզը կազմեցին կոմունիստները: Ագիտխումբը հասավ աշխատանքի վերջնական արդյունքի համար կոլեկտիվ պատասխանատվության բարձրացման, պայքարեց կարգապահության ամրապնդման համար, հոգ տարավ տնտեսավարության առաջավոր մեթոդների լայն արմատավորման մասին: Դրա հետևանքով կապալային օղակները վերանայեցին իրենց նախնական պլանները և պարտավորվեցին ստանալ 3,5—4 հազ. տոննա ցորեն, որը 350—400 տոննայով ավելի էր, քան նախորդ տարում³¹: Այսպիսով, ագիտխումբն իր նպատակաուղղված և հետևողական գործունեությամբ օգնեց կապալով աշխատող օղակներին՝ բացահայտելու նոր ռեզերվներ:

Մարդկային գործունի ակտիվացման գործում կուսակցությունը մեծ նշանակություն է տալիս գյուղատնտեսական արտադրության մեջ երիտասարդ կադրերի ամրացմանը: Կոլեկտիվ կապալի արմատավորումը թույլ է տալիս լուծել նաև այս հարցը: Այսպես, 1984 թ. հանրապետության կապալային կոլեկտիվների մի զգալի մասում մեխանիզատորների միջին տարիքը 28 է եղել³²:

Ջնայած մի քանի շրջանների հաջողություններին, հանրապետությունում ամբողջությամբ վերցրած կոլեկտիվ կապալի տարածումը դանդաղում է: Այսպես, օրինակ, 1985 թ. սկզբին հանրապետության գյուղատնտեսության մինիստրության համակարգում գործել է ընդամենը 207 կապալային բրիգադ³³, որը գրեթե հինգ անգամ քիչ է պլանով նախատեսվածից³⁴: Ըստ պլանի, 1986 թ. սկզբին այս նույն մինիստրության համակարգում միայն կապալային բրիգադների թիվը պետք է կազմեր 1506, բայց այդ ժամանակ կապալով աշխատում էին 945 բրիգադ և օղակ³⁵: Դա բացատրվում է ոչ միայն կոլեկտիվ կապալի արմատավորման վատ կազմակերպմամբ, այլև հանրապետության մի շարք շրջաններում օբյեկտիվ նախադրյալների բացակայությամբ: Այսպես, աշխատանքի կազմակերպման անկարգադիր ձևը հաջողությամբ արմատավորելու համար անհրաժեշտ է գյուղատնտեսական աշխատանքների մեքենայացման բարձր աստիճան, որը հնարավորություն է տալիս տեխնիկան ամրացնելու ոչ մեծ կոլեկտիվների: Մեծ նշանակություն ունի նաև որակյալ կադրերի առկայությունը, որը թույլ է տալիս ոչ միայն կատարողական, այլև ղեկավարման ֆունկցիաների զուգակցումը քանակով ոչ մեծ կոլեկտիվներում: Կոլեկտիվ կապալի տարածման գործում քիչ դեր չի խաղում պետության հետ տնտեսությունների հարաբերություններում տնտեսավարի սկզբունքների վերականգնման պրոցեսը գյուղում, գյուղատնտեսության աշխատողների աշխատանքի վարձատրման համակարգի կատարելագործումը:

Վերը շարադրածից կարելի է եզրակացնել, որ կոլեկտիվ կապալի արմատավորումը գյուղատնտեսական արտադրության մեջ հաջող կընթանա այն դեպքում, երբ հանրապետության կուսակցական կազմակերպությունները

³⁰ «Коммунист», 18. VII. 1985.

³¹ Նույն տեղում:

³² «Հայաստանի ժողովրդական տնտեսություն», 1984, № 5, էջ 7:

³³ «Коммунист», 15. VIII. 1985.

³⁴ Նույն տեղում:

³⁵ ԴՄՀԱ:

կրնդորինակեն առաջավոր շրջանների կուսակազմակերպությունների այդ ուղղությամբ ձեռք բերած դրական փորձը, տեղայնացնելով այն:

11-րդ հնգամյակի արդյունքները ցույց տվեցին, որ հանրապետության գյուղատնտեսության աշխատողները հաջող աշխատանք են կատարում պարենային ծրագրի իրագործման ուղղությամբ: Կոլտնտեսությունների և սովխոզների արտադրության մեջ կոլեկտիվ կապալի արմատավորումը բարենրպաստ պայմաններ կստեղծի կուսակցության առաջադրանքները ժամկետից շուտ կատարելու համար:

ДЕЯТЕЛЬНОСТЬ ПАРТИЙНЫХ ОРГАНИЗАЦИИ РЕСПУБЛИКИ ПО ВНЕДРЕНИЮ И УКРЕПЛЕНИЮ КОЛЛЕКТИВНОГО ПОДРЯДА В СЕЛЬСКОХОЗЯЙСТВЕННОМ ПРОИЗВОДСТВЕ

АШОТ ЕНГОЯН

Р е з ю м е

Одним из эффективных путей интенсификации сельскохозяйственного производства является широкое внедрение коллективного подряда. Практика внедрения этой передовой формы организации и стимулирования труда показала, что коллективный подряд активно распространяется и эффективно действует особенно тогда, когда получает серьезную поддержку райкомов партии, первичных партийных организаций. Существенную роль в этом направлении играют районные агропромышленные объединения. Внедрение коллективного подряда способствует повышению естественности и самостоятельности трудовых коллективов в решении хозяйственных задач, развитию самоуправления в них; повышает заинтересованность членов коллективов в производительном труде; активизирует человеческий фактор—каждый на своем месте работает добросовестно и с полной отдачей.